

Polazeći od zajedničkog interesa i ukazane potrebe za unaprjeđenjem obrazovne i stručne saradnje, a u svrhu definisanja uzajamnih obaveza između:

JP „Televizija Kantona Sarajevo“ d.o.o. Sarajevo, ul. Bulevar Meše Selimovića 12, koje zastupa Duška Jurišić, direktorica

i

Fakulteta političkih nauka Univerziteta u Sarajevu, Skenderija 72, 71000 Sarajevo, BiH, kojeg zastupa prof.dr. Sead Turčalo, dekan

(u daljem tekstu strane potpisnice) zaključili su

SPORAZUM O SARADNJI

Fakultet političkih nauka UNSA i JP „Televizija Kantona Sarajevo“ d.o.o. Sarajevo, uvažavajući važnost upotpunjavanja teoretskog znanja praktičnim, ovim potvrđuju potrebu i spremnost na zajedničko djelovanje u cilju podizanja kvalitete obrazovnog i stručnog rada koje se realizira u vidu stručne prakse.

I

Svrha

Svrha ovog sporazuma je definisanje oblika saradnje između strana potpisnica u oblasti obrazovne i stručne djelatnosti iz nadležnosti Odsjeka za žurnalistiku/komunikologiju.

Saradnja će se odvijati na principima obostranog interesa, kroz zajedničko angažovanje materijalnih i ljudskih resursa.

II

Aktivnosti definisane Sporazumom

Primarna aktivnost čije provođenje predviđa ovaj ugovor je *organiziranje studentske prakse*.

Uvažavajući interes i potrebu za unaprjeđenjem stručnog obrazovanja studenata Odsjeka za žurnalistiku/komunikologiju i upoznavanja studenata sa praktičnim radom, strane potpisnice obavezuju se na zajednički rad u domenu praktičnog obrazovanja studenata i organiziranja studentske prakse.

Sporazum će se realizirati kroz kontinuiranu saradnju strana potpisnica na organiziranju studentske prakse, praćenju studenata kroz proces obavljanja prakse i evaluacije studenata po završetku tog procesa.

Praktična nastava realizirat će se shodno nastavnom planu i programu Odsjeka za žurnalistiku/komunikologiju Fakulteta političkih nauka Univerziteta u Sarajevu, te u skladu sa tehničkim i ljudskim kapacitetima JP „Televizija Kantona Sarajevo“ d.o.o. Sarajevo za prijem studenata na praksu.

Pripreme radnje (odabir studenata, kreiranje listi, dostavljanje listi studenata) preuzima Fakultet političkih nauka Univerziteta u Sarajevu.

Fakultet političkih nauka svakog mjeseca dostavlja JP „Televizija Kantona Sarajevo“ d.o.o. Sarajevo listu studenata koji će obavljati studentsku praksu.

Aktivnosti tokom boravka studenata na praksi, u trajanju od ukupno 100 (stotinu) sati preuzima JP „Televizija Kantona Sarajevo“ d.o.o. Sarajevo.

Evaluaciju studenata nakon obavljene prakse preuzima JP „Televizija Kantona Sarajevo“ d.o.o. Sarajevo, koji predmetnom nastavniku dostavlja evaluaciju studenata, a predmetni nastavnik izvodi konačnu ocjenu studenta i unosi je u sistem na Fakultetu političkih nauka Univerziteta u Sarajevu.

III

Trajanje sporazuma

Sporazum stupa na snagu danom potpisivanja, a trajeće do 1.aprila 2024. godine.

IV

Sporazum se može mijenjati potpisivanjem aneksa sporazuma strana potpisnica.

V

Fakultet političkih nauka UNSA može raskinuti ovaj Sporazum u roku od osam (8) dana u slijedećim slučajevima:

- ako utvrdi da ne postoje objektivne pretpostavke za uspješno izvođenje praktične nastave,
- ako utvrdi da strana potpisnica - partner ne postupa sukladno ugovorenim odredbama.

VI


Strane potpisnice saglasne su da sve eventualne sporove koji mogu proizaći iz ovog Sporazuma rješavaju sporazumno, a u protivnom nadležan je Općinski sud u Sarajevu.

VII

Primjerci sporazuma

Sporazum je sačinjen u 4 istovjetna primjerka, od kojih svaka strana potpisnica zadržava po dva (2) primjerka.

Za FAKULTET POLITIČKIH NAUKA



Za JP „Televizija Kantona Sarajevo“



d.o.o. Sarajevo

